

Martes, 30 de setembro de 2025

Núm. 186

ADMINISTRACIÓN LOCAL**MUNICIPAL****VIGO****Outros documentos, notificacións e informacións públicas**

MODIFICACIÓN DA DELEGACIÓN DE COMPETENCIAS ESPECÍFICAS DO ALCALDE NO CONCELLEIRO DE ÁREA DE GOBERNO DE PARQUES E XARDÍNS, COMERCIO, E FESTAS ESPECIAIS

ANUNCIO

En data 25 de setembro de 2025 ditouse a seguinte Resolución da Alcaldía:

“DECRETO DO ALCALDE

MODIFICACIÓN DA DELEGACIÓN DE COMPETENCIAS ESPECÍFICAS DO ALCALDE NO CONCELLEIRO DE ÁREA DE GOBERNO DE PARQUES E XARDÍNS, COMERCIO, E FESTAS ESPECIAIS

Trala constitución da nova corporación en xuño de 2023 e conforme o establecido no artigo 124.4.k) da Lei 7/85, do 2 de abril, das bases de réxime local aprobouse por Resolución da Alcaldía de data 19 de xuño de 2023 e posterior modificación de data 28.06.2024 e 25.09.2025 a estrutura da administración municipal (2023-2027).

As dinámicas de funcionamento municipal fan aconsellable delegar competencias nos concelleiros/as de área e concelleiros/as delegados/as en aras dunha mellor eficacia na organización e optimización dos recursos empregados. Por razóns de eficacia e eficiencia na tramitación dos expedientes en materia de parques, xardíns e zonas verdes resulta convinte delegar no concelleiro de Área de Goberno de Parques e Xardíns, Comercio e Festas Especiais as competencias relativa a redacción dos proxectos e tramitación dos expedientes de contratación que procedan que afecten a ditas zonas.

Polo exposto, no uso da potestade de dirección do goberno e das organizativas e estruturais que, en relación coa Administración Municipal, ostenta esta Alcaldía conforme o art. 124.4 Lei 7/1985, do 2 de abril, das bases de réxime local e de artigos 43 e seguintes do RD 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Corporacións Locais esta Alcaldía, RESOLVE:

PRIMEIRO.— Delegar no concelleiro de Área de Goberno de Parques e Xardíns, Comercio, e Festas Especiais as seguinte atribución do Alcalde, xunto coas competencias xenéricas atribuídas por Decreto da Alcaldía de data 20 de xuño de 2023 e sen prexuízo das competencias delegadas especificamente noutros órganos

“a) En materia de parques e xardíns

Pode verificar a integridade deste documento no seguinte enderezo:
<https://sede.depo.gal>
Código seguro de verificación: HAX6TE8UMDLRXU4A



Martes, 30 de setembro de 2025

Núm. 186

8. A xestión e tramitación dos expedientes de redacción de proxectos e dos expedientes de contratación en materias propias que afecten a parques, xardíns e zonas verdes.

(...)”

SEGUNDO.— Aprobar o texto refundido das delegacións específicas atribuídas ao concelleiro de Área de Goberno de Parques e Xardíns, Comercio, e Festas Especiais que exercerá nos ámbitos da actividade administrativa da súa área xunto coas competencias xenéricas atribuídas por Decreto da Alcaldía de data 20 de xuño de 2023 e sen prexuízo das competencias delegadas especificamente noutros órganos.-

a) En materia de parques e xardíns

1. Elaborar e propoñer proxectos ao órgano competente para súa aprobación e posteriormente dirixir e xestionar un Plan Director de Melloras para a xestión, conservación e mellora das zonas verdes, áreas infantís e biosaudables e mobiliario urbano.
2. Elaborar e propoñer ao órgano municipal competente a aprobación dun Regulamento de Protección de Zonas Verdes, Espazos Naturais e Parques Forestais no que se prevexan as accións necesarias para a defensa das zonas verdes urbanas e periurbanas, das árbores e das especies vexetais nas rúas, prazas e demais bens que integran o dominio público municipal.
3. Manter actualizado o Inventario de zonas verdes, mobiliario urbano, áreas infantís e biosaudables.
4. Dirixir e xestionar as actividades e servizos do Viveiro Municipal.
5. Inspeccionar permanentemente o funcionamento dos servizos de conservación e mantemento que sexan xestionados indirectamente por empresas concesionarias ao obxecto de garantir a súa prestación de acordo co previsto nos Pregos de Condicións que rexen no contrato.
6. Competencias en materias de xestión da rede de faixas secundarias de xestión de biomasa que establece a lei 3/2007 de prevención e defensa contra os incendios forestais de Galicia.
7. Xestión do convenio da cesión dun dereito de uso de determinada superficie localizada na cuberta do centro vial-estación de Vigo para o seu destino a uso público (praza).
8. A xestión e tramitación dos expedientes de redacción dos proxectos e xestión dos expedientes de contratación en materias propias que afecten a parques, xardíns e zonas verdes.

b) En materia de Comercio

1. Dirección e xestión das accións en materia de promoción, dinamización, fomento e desenvolvemento do pequeno e mediano comercio da cidade, principalmente en canto a



Martes, 30 de setembro de 2025

Núm. 186

formación, asociacionismo, promoción de actividade e xestión de axudas e subvencións e sinaladamente, entre outras, a actividade Vicus Spacorum.

2. A interlocución coas Cámaras Oficiais de Comercio, Industria e Navegación de Vigo.
3. O impulso das actividades feirais.
4. Promover a participación institucional do Concello en feiras, exposicións e certames.
5. Dirección e xestión dos mercados de abastos municipais.

c) En materia de festas especiais

1. A análise, estudo e impulso das festas e eventos especiais de maior impacto na cidade, en termos sociais, económicos e de turismo.
2. O impulso, a tramitación e xestión das actuacións municipais relacionadas coas festas especiais, en particular, as relativas á celebración do Nadal, a Reconquista, Festa do Magosto, Festas tradicionais, patronais, gastronómicas e desenvolvemento de actividades socioculturais, Festa do Mexillón, Festa do Polbo, e Festa da Sardiña.

CUARTO.— A concelleira delegada en materia de Igualdade e Comercio asumirá no ámbito da súa delegación e baixo a dirección e coordinación da concelleiras de área de goberno asumirá as competencias municipais en materia de comercio sinaladas no apartado segundo nos termos da Resolución da Alcaldía de data 20 de xuño de 2023

QUINTO.— Os actos ditados polos concelleiros/as titulares de área de goberno que se adopten por delegación indicarán expresamente esta circunstancia así como a data da súa publicación no Boletín Oficial da Provincia de Pontevedra e consideraranse ditadas polo órgano delegante nos termos sinalados pola Lei 40/2015, do 1 de outubro, de Réxime Xurídico do Sector Público.

SEXTO.— Deixar sen efecto todos os decretos do Alcalde que se opoñan ou contradigan ao establecido no presente decreto.

SÉTIMO.— Notificar a presente Resolución a todos/as os concelleiros e concelleiras.

OITAVO.— Comunicar a presente resolución ás persoas responsables dos diferentes servizos e áreas municipais para o seu coñecemento e efectos mediante a súa inserción na Intranet municipal.

NOVENO.— O presente acordo entrará en vigor no mesmo momento da súa sinatura sen prexuízo da súa publicación no Boletín Oficial da Provincia, publicándose así mesmo no portal de transparencia aos efectos do disposto no artigo 6 da Lei 19/2013, de 9 de decembro, de Transparencia, Acceso á Información Pública e Bo goberno.

DÉCIMO.— Deste acordo darase conta de forma individualizada ao Pleno da Corporación para os efectos de que quede informado da mesma, ao abeiro do disposto no artigo 38 do Real Decreto 2568/1986.”

Vigo na data de sinatura dixital.

O alcalde-presidente, Abel Caballero Álvarez.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: HAX6TE8UMDLRXU4A

